

北京圖書館 編

北京圖書館藏珍本  
年譜叢刊



第 133 冊

北京圖書館出版社

□ 北京圖書館 編

北京圖書館藏珍本  
年譜叢刊

北京圖書館出版社

第 133 冊

# 第一三三冊目錄

|              |    |
|--------------|----|
| 宮傳楊果勇侯自編年譜卷五 | 一  |
| 思補老人自訂年譜     | 九  |
| 恩福堂年譜        | 三〇 |
| 厚山府君年譜       | 五三 |

自編年譜卷之五

勦辦蜀夷議

治外夷如風寒在天地拓土開疆先兵防而後民實之曰營曰衛葺理邊務猶醫者用藥調和營衛所以密腠理也而又羈縻之薄來厚往意在卻風寒也然疆土多一尺寸如浪一飲啄不免於病光武關以外揖而謝之無法之法最爲妙法治內夷如濁穢在臟腑無病時節飲食有病時慎醫藥曰表曰裏得其法清自升而濁自降也我邊廳營設自嘉慶十三年凡廳屬地方

半皆夷地自十三年以前爲流民盤剝日漸侵佔逼夷退處窮山而民猶復侵入西河窮其所往以致逼極情急逐殺侵地居民一百餘里出雙溪口用兵勦辦後卽雙溪口爲界築大堡城緊逼之設通判守備鎮撫設汛弁分防扼要是猶臟腑積滯稍解而餘毒未盡卽加補劑轉致閉塞不通故三十年來常多仇殺結毒至今一旦竊發是前之設汛防邊所謂防夷之路亦如防川川壅而潰傷人必多者也且夷處幅幘之中旣難揖而謝之又難化夷爲良勦曰野夷是

外彼生成已屬不羈之馬偶爾出掠直同走壙之獸勢使然也黔楚苗疆乾隆六十年勦辦後撤永綏廳城於花茵出苗藪六十里設苗官年給賞俸責其管束苗衆與民各守生業迄今安於無事峩邊廳城偏處一隅過於逼近夷巢善後章程宜改作千總汛防以杜其前量移廳治擇地另建城池以續其後移峩眉遊擊與通判協同鎮撫控制四面其原設汛防量添兵力加團練以共守之蓋團練非不可用民爲家眷繫累故人心散而無束耳若使之各按村場市集



併小爲大集零爲總各築各堡歸宿眷口糧食  
先於要隘截山設險阻狹爲塹比鄰聞柳遠鄉  
聞砲一處有警羣起援應分投守禦堅壁清野  
賊至無所擄掠民守家私同於兵守法度寓兵  
於農無需糧餉勝於連營夷旣歸命選良有司  
視民夷爲一體善爲撫字之果三年報最卽予  
題陞更於夷日中擇其忠實者定以年賞如越  
嵩土百戶例卽黔楚苗疆設苗官舊章以示羈  
縻至於現在用兵機宜兩月前赤夷十三支烏  
拋一族勾結涼山野夷因饑羣起出巢焚掠見

初調官兵到來悉行退遯揆其賊計非勢之不  
敵也旣已飽其所掠樂得退歸巢穴拒險以待  
觀我動靜兩月以來零星出投彼來此歸意存  
遷延老我師干且有魁西蜚瓜兩支終未出見  
領兵叅遊等因兵單未便深入就勢勾攝亦厯  
來辦理夷案舊章以致日久稽滯究屬含混本  
提督得請添兵四百名前來督辦魁西蜚瓜兩  
支亦聞風來投悉請拿送克夷交送擄去丁口  
審情度勢用兵急攻畏死心一羣從力拒山險  
林密如虎負隅兵連禍結收功無期緩則各求



生路易於收服然夷情狡猾形同脫兔勢難卽  
時同歸須卽餌其歸窟田窟餌其來格或有未  
格滅之是謂鵬勦次於已歸之中察其窮克極  
惡者戮之是謂鋤奸緩急虛實迎機應變出其  
不意攻其不備是謂鎮倒羣克兵法曰攻心爲  
上攻勢次之不得已而後戰三代版圖無巴蜀  
滇黔其地皆夷人居猶之獠狃濁氣未清也秦  
漢以後疆土日闊化濁爲清四川人才代出財  
賦豐裕得山川清淑之氣謂天府之國然有清  
卽有濁有夏卽有夷猶之有晝卽有夜天地自

然之理夏至以後夜長二分清極而濁日長也  
冬至以後晝長二分濁極而清日長也盛世政  
多包荒蓄其濁也季世政多撻剔濾其清也然  
養身之道清濁適宜清氣升而濁穢降自然保  
壽而康百病不生邊外夷情皮膚之疥癬內地  
夷情臟腑之積滯清升則疥癬不生濁降則積  
滯自消頻年以來內外常多夷務咸謂流民浸  
削盤剝構釁止見一面其實遠之日疎未嘗近  
之使親殊失正本清源之道兩年用兵勘得大  
涼山自雲南發脈越金沙江入四川界結龍頭

山其山蜿蜒千數百里至曲曲烏石圈子抵銅河而止爲嵒眉山屏障山脊聳拔左右支脚伸屈千壑萬藪喬松虹栢秦人喻終南山曰核桃瓢殆有甚焉山之西南則有越嵒廳屬二十四家以及上下土司熟夷與西番部落由大渡河卽五月渡瀘處直達西昌縣五百餘里運銅驛路魏武謂褒斜棧閣曰五百里天井中行未足擬其險阻而驛路左越大山卽銅河分支阻河則有上官六格敲脚三種熟夷又有西番另種沿河盤踞而河之南岸卽係大梁山右肋野夷

居之又山之西北則有清溪縣屬熟夷峩邊廳屬十二地二十六地屬夷曲曲烏野夷袁延干里沿銅河兩岸而居去歲癸巳羣起滋事用兵勦辦一律廓清慎選夷目定以年賞分四季承領輪派夷目各帶通事赴文武衙門供差日給口食年赴省垣叩謁大府以示羈縻年來甚爲安靜近之使親也山之東北另有十三支赤夷亦峩邊廳屬今歲甲午因歲歉出巢掠食廳營兵單力難收束芳隨後親馳軍中夷已見兵先遁一月之間剿其獷悍撫其馴服概照去歲規

畫章程一律辦清尙有山之正東馬邊廳屬生  
熟夷十三支山之東南尙有雷波廳屬生熟夷  
十二支皆蟻附龍頭山左右支脚之羣夷也四  
面州縣環裹曰野夷曰熟夷悉在幅幘之中非  
化外四夷可以揖而謝之者山之中尙有大梁  
山縱橫千里地土膏腴分族而居幸在俗多讎  
殺離而不合合則爲害益烈矣其俗旣如此而  
凡處兩肋支脚之羣夷猶復恃爲退藪自古用  
兵才如諸葛亦止攻心夫攻心卽所以正本清  
源也現在尙須規畫馬邊雷波兩廳夷衆悉如

慎選土百戶例遣官員前往劃一辦理分節各  
夷目割具木刻各保各屬夷衆各保各處要隘  
不准本屬及他夷衆出巢越境滋事是猶臟腑  
積穢暢之使達以免錮閉日深非結卽泄實久  
安長治之道謹條列應辦事宜於左

已辦

一越舊屬沿河上官六格腳敲西番四種夷人  
去歲並未附和滋事且供運兵差極稱恭謹業  
已酌定各准挑充土兵二百名每年給餉銀  
三兩六錢年輪一二名赴省叩謁大府

一越嵩屬屬河外野夷二十三支頻年潛行越河  
赴漢地捆擄民人習以爲常去歲雖未附和滋  
事而數次用兵久未馴服去秋順便加兵懲創  
酌定每全頂夷目一名年賞銀十六兩六品夷  
目一名年賞銀二十兩每通事一名年賞銀四  
兩分四季赴寧越營隨兵餉承領逐月輪派夷  
目一名通事一名赴寧越營都司衙門值班每  
名日給口食銀一錢年輪夷目二名通事二名  
赴省叩謁大府

一越嵩屬屬土司嶺如龍之妻所管二十四處土



百戶有松光林在內先經越嶲營叅將唐永清  
輪派赴叅將衙門值班去歲並未附和滋事現  
定按月照常輪派夷目二名通事二名值班各  
日給口食銀一錢年輪一二名赴省叩謁大府  
惟尙未議給年賞不足以昭公允擬請如前例  
一越嶲廳屬上土司嶺登富所管熟夷下土司嶺  
華封所管熟夷去歲出巢滋事剿辦後酌定按  
月輪派夷目一名通事一名赴寧越營都司衙  
門值班各日給口食銀一錢年輪一二名赴省  
叩謁大府惟尙未議及年賞未便任其日久向

隅擬請如前例

以上除辦定章程已籌有經費外惟擬添年  
賞及該班口食暨越嶲叅將年需巡費銀六  
百兩寧越都司年需巡費銀四百兩尙未籌  
定擬請酌籌定爲長例

一大樹堡背瀘水南岸通夷驛路癸巳前任桂提  
督軍其處歿後寶將軍接辦芳於道光十三年

由陝調川相繼受任一面督兵進剿一面勸民  
輸力築堡示曰夷狼也汝等附山居防狼噬羊  
豕作圈護之防夷傷性命自宜築堡護之現在